

牧令書卷十九

刑名下目錄

審理命案

無名

人命條議五款

李士楨

命案

王士俊

命案

王植

論命案

李漁

圖民錄

袁守定

論命案

汪輝祖

命案相驗

王鳳生

審命案

王鳳生

假命案

王鳳生

命案

何士祁

早詳

何耿繩

保辜

何耿繩

論人命

李漁

遇有鬪毆之案驗明傷痕收養署內醫治檄

劉衡

札各牧令相驗遵例自備夫馬少帶人役出

劉衡

檢驗

何耿繩

人命

何耿繩

一得偶談

王有孚

勾決

徐文弼

收無主屍

潘杓燦

審理盜案

無名

強盜

何耿繩

搶奪

何耿繩

竊盜

何耿繩

窩家

何耿繩

盜案

王楹

大案

王楹

起賊

徐文弼

論盜案

汪輝祖

盜賊案

王鳳生

申明賊盜誣良禁令詳

陳宏謀

嚴禁捕役妄拏告示

劉衡

嚴飭諱盜累民疏

李之芳

爲嚴飭事

田文鏡

戒遷就

王鳳生

慎初招嚴覆審

孫魯

命盜審限

何耿繩

放火

何耿繩

誘拐

何耿繩

犯姦

何耿繩

論姦情

李漁

判婚姻

徐文弼

定繼立

徐文弼

查勘

汪輝祖

勘丈

王鳳生

發塚

何耿繩

賭博

何耿繩

私鹽

何耿繩

私雕假印

何耿繩

私鑄

何耿繩

牧令書卷十九刑名下

安肅徐 棟致初輯

無名 見州縣須知

審理命案

人命有真假真命不離七殺殺人而得財爲劫殺凡有嫌隙先定計謀而後殺害爲謀殺事有怨恨心無宿謀逞怒一時逕殺之曰故殺故殺不得有從彼此交打原無致死之心或當時打有致死重傷而死曰鬪殺鬪殺而誤傷傍人者必須事外傍觀之人若在场親屬有交口情事者則仍以鬪殺問擬本欲害甲錯中乙身曰誤殺要究明欲害之尊卑並故謀之原由相打以決勝負因而致

死之類曰戲殺如投擲磚瓦彈射禽獸不期殺人而偶有致死之類曰過失殺

凡有屍親呈報人命立即收詞看明傳喚屍親如有地鄰同至一併喚入詳問其與死者是何親屬是何項人兇手係何姓名爲從與在場共若干人均係何項人與死者有無親故因何事起釁有無主使喝令平日有無冤仇再問是何兇器致傷何處據供按驗先問屍親次問地鄰一一問取確供令刑書寫錄呈閱標硃仍教刑書帶赴屍場以憑查對此皆率爾取供縱有詐僞不無破綻所謂迅雷不及掩耳也取供看畢將屍親押起隨官赴驗勿令先歸致有搶打兇手僞作傷痕之弊立即專差妥役星夜赴屍所押地

保看守屍身鎖拏兇手追取兇器先到屍場候驗并票上務須硃
筆嚴批去役不得索取銀錢屍屬不得吵抄凌辱差役去後官司
卽帶刑件赴驗務須隨帶左右勿令遠離以生弊端及至屍所脩
取被告兇手確供令多燒蒼朮以辟穢氣先令件作刑人將屍洗
淨然後帶同伴作面同屍親赴屍旁照式量驗背風而立口內先
含生薑一塊右手用真阿魏一塊持以掩鼻使穢氣不得入驗畢
退三五步令醋潑炭於地上跨而過之使穢氣脫然隨卽將傷單
令屍親看明以杜後言如果係殺死人命屬真着將屍首脩棺盛
殮傳喚取保收管看守卽帶行兇手從人等回署寄監取具件作
並無增減遺漏傷痕甘結叙供填圖通報切勿聽從攔驗勿驗求

免詳勿詳致干嚴例如係服毒投水懸梁一切自盡人命雖輕於
鬪毆而無傷者俱可取屍親地鄰甘結立案當堂釋放倘其中有
光棍把持作祟或屍親有刁頑口供不盡防有事後翻案雖其自
盡屬實當堂立案釋放與例相符並無干碍但恐上司又多一番
辨論不若取其各結通報立案以杜刁健之爲便也是在臨時酌
量之諺云久告不離原詞各案皆然而命盜兩案尤不可容其續
告別生枝葉據原詞取供據原供定案使始終如一前後相符則
案自一線到底而無難結之案屍親初供縱有捏報不近情理之
詞切勿駁詰恐有請教訟師臨審改供之弊件作最多奸滑須於
作作喝報之後照單親驗明確若欲避穢一任件作驗報不自親

身逐細查驗大是悞事

人命抵償全憑屍傷驗檢乃係兩項驗者看其大畧屍有四縫須
依次序看驗要害致死之處最宜詳審傷色以紫黯腫爲最次重
者紫赤腫又次者紫赤青紫赤爲新青黑則久必須細細分別檢
者酌其詳確次序只作兩面正面自髮以至趾爪背面自腦後承
枕骨以至糞門傷痕或有青紫或赤黑或有血無血有無皮破骨
損及量長濶大小深淺令件作指定報明押屍親干証認確以硃
筆填入屍格令各書押於屍格之上其死狀不等檢驗事理不同
詳於洗冤錄中

王有孚曰州縣額設件作各視缺之繁簡以定名數大縣不

過三四名中簡之邑僅設二三名其在事繁之地檢驗案件
常常有之自可隨時歷練至簡僻之區所有件作止於鬪毆
事件驗報傷痕尙恐未能了了一遇相驗屍軀欲於傷痕之
圓長濶狹顏色分寸間辨爲何械所毆因何處致命類皆游
移無據設有檢骨重案更鮮把握勢須借撥鄰邑諳練之人
或鄰邑件作亦未熟練又將輾轉訪求不遠千里而招致之
往返需時殊多掣肘人命至重豈可不講求有素夫講求之
法不外乎洗冤錄之所載件作而不讀洗冤錄或讀而不精
將焉用之無如件作雖設而未能專意講習者多何也其額
設工食每名每年僅支銀六兩口食不敷勢將另謀生計視

充役爲挂名安望其能悉心供役余嘗爲所主者議請於若輩額支工食之外每名每日官爲捐給米一升俾無枵腹之虞始可用志不紛仍於每日堂事之暇將洗冤錄摘段考課當堂講解不使稍涉顛預似此實力行之乃不患其不熟諳謀殺人命須問有何仇怨如何起意與何人商謀於何處殺害及何人加功先後動手情形如何埋藏屍首有無因而得財之處鬪毆人命須問有無仇怨如何起衅及傷處先後是否此時身死抑或越幾日身死是否有心有無同夥共毆及何人在旁見証如係同謀共毆則應問誰人起意謀毆及毆之先後並是否原係謀毆洩忿抑係商謀本要打死

李士楨

字毅可山東昌邑人官河南臬司餘未詳見資治新書

人命條議五款

邇來官胥平時既不知講讀律例臨審又不能細心叅詳或出入游移而輕重倒置或元兇漏網而枉累無辜以致訟獄繁興爲害非淺殊不知審有審法招有招體其間毫釐千里之辨稍或貿亂詿誤因之民命繫之誠不可不慎也茲列末議于左

一人命以原詞爲據隨告隨審卽遲亦不得過三日此爲定規尤不許於臨審時更投多詞改換情節添減犯証展轉牽告除兇犯應行羈禁外見証鄰佑多不過三四人隨案質審分別保候不許一概羈禁亦不許聽信經承差役株連多人致滋詐騙

何耿繩曰當場
檢驗全憑干証
與屍傷然干証
猶有扶同而屍
傷則不容爲

人命以傷痕爲憑奉禁不許轉委佐貳捕員定例印官親臨屍
場檢驗如但隔壁聽仵作指報則印官必須親臨屍場之謂何
須將傷痕顏色分寸某處近左近右偏左偏右皮破骨折紅楂
白楂係某器所傷分晰致命不致命如金刃手足磚石木棍等
器果與傷痕相合檢驗的實審與口供無錯卽填屍格以定山
案不可聽信仵作經承含糊混報致成疑案難結更不可遲延
時日以致屍潰難檢

一人命以初情爲真檢驗之日卽研訊屍親兇犯及緊關証佐確
實各口供隨時追獲兇器因何事起釁何人見證何人先後下
手何人致命重傷行兇及致死日期爲首爲從情節逐一訊明

卽便定案以防後日狡辯參差

一謀殺故殺情律甚重如果有陰謀詭計或有意欲殺須依律坐罪若無謀故實跡証口有據自認無辭者不得輕議強引至鬪毆殺誤殺戲殺過失殺以及威逼等項各有一定之律例亦各有不同之情節如鬪殺者以一人而敵一人者也有兩人則爲共毆非鬪毆矣鬪出一人之手又不可概以鬪殺論如故意殺人意動于心執物毒打致命卽時身死是有心害命也此爲故殺隔日身死爲鬪殺若意欲殺人先告于爲從者使隨我而殺之則爲謀殺非故殺矣故殺者出于一人之意不可以從論也若人不知故殺之意而卒然相遇共毆則亦共毆餘人而已同

謀共毆有分有合分而言之有同謀而不共毆有共毆而不同謀合而言之始既同謀終又共毆究其下手毆傷致命之處之人坐以絞罪原謀者不論共毆與否並杖一百流三千里以其爲禍端之所起若共毆之人雖有別處重傷亦止杖一百以其下手致命者抵償矣故不深罪若原謀自行下手致命者或混打不知何人下手俱問原謀絞其他俱餘人若同行之人既不與謀又不助力乃是不行勸阻只問不應如議甲乙丙俱依同謀共毆人因而致死者以致命傷爲重乙下手律絞甲原謀律杖一百流三千里丙餘人律杖一百是也

一共毆者惟有兇器又毆有致命重傷者方引充軍其雖有兇器